



影舊鈔卷子本文館詞林
二

和16
993
2



門和16
號993
卷

文獻通考卷第一百五十六

四言

西晉歐陽建石崇贈一首

西晉蔡文姬伏乞一首

西晉蔡文姬贈武氏一首

西晉蔡文姬贈武氏一首

西晉蔡文姬贈武氏一首

西晉蔡文姬贈武氏一首

西晉蔡文姬贈武氏一首



文館詞林卷第一百五十六

中書令太子賓客監修國史文館學士柱國高陽郡開國公臣許敬宗等奉

勅撰

四言

西晉歐陽建答石崇贈一首

西晉摯虞答伏仲武一首

西晉摯虞贈褚武良以尚書出為安東一首

西晉摯虞贈李叔龍以尚書郎遷建平太守一首

西晉鄭豐答陸士龍四首并序

西晉張翰贈張弋陽一首

西晉陸機答賈謐一首并序

贈顧令文為宜春令一首

贈武昌太守夏少明一首

西晉孫承贈陸士龍一首

西晉陸雲答孫承一首

贈鄭曼季四首

并序

西晉張載贈司隸傅咸一首

四言

答石崇贈一首

於鑠我舅明德塞違俾扞東藩在徐之邳載播其惠
載揚其威濟寬惟猛方夏以綏光啓先業增曜重暉
咨余沖人艱苦攸離過庭無聞頑固匪移寔賴慈誨

文館詞林

一百五十六

導之軌儀仰遵嘉詠俯蹈明規如葛斯蔓如椽之垂
旋機迴度逝者如流日與月與稔冉代周自我之曠
載履春秋瞻望遐路邈矣其悠心之云慕思結綢繆
人亦有言爰而勿勞淮渭河廣曾不容刀乃徂來邁
適此西郊在乾之二爰著茲爰我邁君子仰之弥高
巖々其高即之惟温居盈思冲在貴忘尊縱酒嘉讌
自明及昏無幽不折靡奧不論人樂其量士感其敦
答伏仲武一首

西晉摯虞

崇山栖鳳廣泉含螭洋洋大府儁德攸宜用集羣英
叅翼弘規皇暉增曜明兩作離其爰有伏生東夏之
秀盛德如新畜智如舊雝材積藝待時而茂九德殊

塗道將焉就其邂逅之遇良願是適同閉比屋笑語
卒獲望宋謂近曾不咫尺一葦則抗矧茲隔壁其既
近其室不遠其心齊此篤愛惠予好音金聲玉振文
豔旨深孰不歌詠被之瑟琴

贈褚武良以尚書出為安東一首

蕩々大晉奄有八荒畿服既寧守在四疆桓々褚侯
鎮彼遐方變文膺武々出龍驤其武有七德衆鮮克
舉帝用是難洲咨既普雖有周親唯能是与大周之
吉歸美于褚其褚侯之邁人望實大企彼江淮眇焉
如帶智名不彰勇功斯廢靡德而稱靡仁而賴其濟
々百辟穆々皇朝雖則異事誰非同察出者眷之處

文館詞林

一百五十六

三

者戀之情發於中用著斯詩

贈李叔龍以尚書郎遷建平太守一首

我有良朋時惟李生拊翼岐蜀翻飛上京明試以功
聿駿有聲三載考績剖符建平其惟彼建平居江之
瀨明々在上率下和會誰謂水深曾不浮芥誰謂曠
遠王道無外其亦既受命作式南蕃樞機之發化流
夷蠻多見闕殆以慎尔愆無自立辟而踰短垣其龍
愛同泉鳳戀共林之子云徃我勞矜深既有行李以
通其音南龜象齒實將云心

荅陸士龍四首

西晉鄭豐

鴛鴦羨賢也有賢者二人雙飛東嶽揚輝上京其兄

已顯登清朝而弟中暫婆娑衡門然其勞謙接士吐
捉待賢雖姬公之下白屋洙泗之養三千無以過也
乃肯垂顧惠我好音思与其遊道德之樂結永好之
懽云尔

鴛鴦于飛在江之涘和音交暢拊翼雙起朝遊蘭池
夕宿蘭沚清風翕習扇彼蘭芑凌雲高厲載翔載止
一其鴛鴦于飛載飛載吟有儻浚藪實惟桂林芳條高
茂華繁垂陰爰翔爰翔爰憇其南有馥其芬恊我好
音二其鴛鴦于飛垂雲高翔有嚶其友戢翼未翔澹淡
素波容与趨倡雖曰戢止和音遠揚我有好爵与子
偕當三其鴛鴦于飛徘徊翩翩載頡頏頡頏侶鳴群有

文館詞林

一百五十六

儻蘭臯洌彼清源駕言遊之聊樂我云思与佳人齊
懽順川四其鴛鴦于飛或矯或遊習々谷風扇彼清流
春草揚翹黿魚沈浮感物興想我心長憂誰謂河廣
增不容舟企予望之搔首踟躕五其鴛鴦于飛載和其
鳴懷尔好音寘我中情人亦有言心得遺刑探我木
瓜投尔瑤瓊匪繫日報永好千齡六其
南山酬至德也君子在衡門脩道以養和弃物以存
神人思其化士懷其德或思置之列位或思從之信
宿詩人嘉与此賢當年相遇又屢獲德音倩懽心至
故作是詩焉

陟彼南山言采其蕭樂只君子邦家之翹克茂厥猷

至道是收耽道以儉廣愛以周嗟我懷人永好千秋
一其適彼江潭言釣其鱖有羨碩人自公遐處羔裘道
遙輜德退舉白駒邈時俗事孰与思我猗人寘之晉
序有客信宿獨寐寤語二其天高地卑玄黃烟煜人道
交泰自昔先人耽文合好輔位与仁管叔罕喬曠載
鮮鄰脩組絕結玄矢生塵咨我与子邁會當身琴瑟
在御永愛纏綿三其盤彼江深言泳其潭所謂伊人在
川之陰養和以泰樂道之潛錦衣尚絀至樂是耽興
言永思繫懷所欽愛而不見獨寐寤吟四其詩以言志
先人是經乃惠嘉訊德音惟馨欽詠繁藻永結中情
華文傷實俗士所營達人神化反之混冥交弃其數

言取其誠思与哲人獨寶其貞五其
蘭林懽至好也有君子代濟其美英名光茂遭時暫
否畜德衡門願我殷勤屢辱德音思与結好以永不
刊

瞻彼蘭林有翹其秀有斐君子邦之碩茂厥德伊何
固天攸授如川之原如山之富回流清泉啓襟開袖
搢紳晞風人用胥附一其猗、碩人如玉如金沃其明
哲克廣德心習、凱風吹我棘林飛鴉萃止允懷好
音悠、征徒輜德鮮任嗟我猗人實味實耽二其在昔
延州鵠鳴江涯今我陸子曠代繼竒身乖千載德音
並馳漸鴻遵渚宛其羽儀安得高風騰翮天池三其飛

龍蜿蜒山谷氣翳猛獸嘯吟清風高厲情同來感數
乖身逝夷範齊懽專名前代愷悌君子人之攸懃咨
予邁時千載同愛其垂隴之會匪詩不宜嗟我懷人
斯恩殷勤德音來訊有蔚其文耀其儻兜匪迹不存
誠在心德愛法忘言其
瞻彼中陵蘭蕙猗其顯允君子樂且有宜沈仁育物
玄聰鏡機德充闡庭名逸南畿祁其俊又言酌言依
其鼓鐘于宮百里震聲其令問歸我偉貞厥震伊
何駿奔以驚厥問伊何人肯以寧有鶴在陰非子誰
鳴我有好爵非子孰盈其潛龍道初有鳳戢翬王猷
未泰彝倫錯違臬問重管係尔啓扉庶績迨敷非尔

烏綏翼其京宇尔瞻尔睇人之骨望如渴如飢其德
音來惠覆玩三周沈潤泉洞逸藻雲浮結心所親曷
顯曷渝路隔河梁一葦限殊終朝之思三秋是喻愛
而不見興言跼踈其

贈張弋陽一首

西晉張翰

時道立曠階軌難尋散纓放冕負劔長吟昆弟等志
託茲幽林玄墨澄氣虛靜和心其惟我友愛纏綿往
昔易尚去俗携手林薄輕露給朝遺英飽夕逍遙永
日何求何求何索其潛光重陰抱悴如榮絕路既續
捨我遐征東帶皇城升降都城爰賴爰慕仲予中情
其負薪弗克耕者妨力鍾儀彈弦願瞻先職遺其綿

綿憂心慘惻乃抗乃拔釋我繞邑其將逝命駕陟彼
郊圻和鸞搖響載驅載馳言告分別言歸心怨辭苦
張高弦哀其楊柝可卷去在斯時流淚可折豈云旋
歸行役必偕傷我長離借喻孤禽矜翼翩栖其昔我
惟樂羣居多時今我斯懷纏綿萬里人亦有分或通
或否行矣免致我誠永已

答賈謐一首

并序

西晉陸機

余昔為太子洗馬魯公賈謐以散騎常侍東宮積
年余出補吳王郎中令元康六年入為尚書郎魯公
贈詩一篇作此詩答之

伊昔有皇肇濟黎蒸先天創物景命是膺降及羣后

文館詞林

一百五十六

迭毀迭興邈矣終古崇替有徵其在漢之季皇綱幅
裂大辰匿暉金獸曜質雄臣騰驚義夫赴節釋位揮
戈言謀王室其王室之亂靡邦不泯如彼墜景曾不
可振乃眷三哲俾乂斯人啓士綏難改物承天其爰
茲有魏即宮天邑吳實龍飛劉亦岳立于戈載揚俎
豆載戢人勞師興國玩凱入其天厭霸德皇祈告豐
獄訟違魏謳歌適晉陳留歸蕃我皇登禪庸岷稽顙
三江改獻其赫矣隆晉奄宅率土對揚天人有序斯
祐惟公太宰光翼二祖誕育洪胄纂戎于魯其東朝
既建淑問峨峨我求明德濟同以和魯公戾止衣服
委蛇思媚皇儲高步承華其昔我遂茲時惟下僚及

子栖遲同林異條年殊志密服外義稠遊跨三春情
固二秋八其祇承皇命出納無違往踐蕃朝來步紫微
升降秘閣我服載暉孰云匪懼仰肅明威九其分索則
易携手實難念昔良遊茲焉永歎公之云感貽此音
翰蔚彼高藻如玉如蘭十其惟漢有木曾不踰境惟南
有金萬邦作詠人之肯好指狂厲聖儀形在昔予聞
子命十一其

贈顧令文為宜春令一首

藹々芳林有集惟嶽壘々明哲在彼鴻族淪心渾無
遊精大樸播我徽猷一彼振玉其彼玉之振光于厥
潛大明貞觀重泉匪深我有好爵相尔在陰翻飛名

文館詞林

一百五十六

都宰物于南二其禮弊則偽撲散在華人之秉夷則是

惠和凌風興教非德伊何我友敬矣俾人作歌三其交

道雖博好亦勤止比志同契惟予典子三川既曠江

亦永矣悠々我思託邁千里四其吉甫之役清風既沈

非子之豔詩誰云尋我來自東貽其好音豈有桃李

恧子瓊琛將子無矧屬之翰林變彼靜女此惟我心

五其

贈武昌太守夏少明一首

穆々君子明德允迪拊翼負海翻飛上國天子命之

曾是在服西踰崑岡北臨河曲一其尔政既均尔化既

淳舊汙孔脩德以振人雍々鳴鶴亦聞于天釋厥緇

衣爰集崇賢其二羽儀既奮令問不已慶雲烟煜鴻漸
載起峨々紫闥侯戾侯止彤管有煒納言崇祉其三既
考尔工將昨尔庸大君有命俾守于東允文允武威
靈以隆之子于邁介夫在戎其四悠々武昌在江之隈
吳未喪師為蕃為畿惟此惠君人肯攸希弈々重光
照尔繡衣其五人道靡常高會難期之子于遠曷云歸
哉心乎愛矣永言懷之瞻彼江介惟用作詩其六

贈陸士龍一首

西晉孫承

五龍戢號雲鳥慕紀淳化既離義風載始軒冕垂容
文教乃理弈々洪族盛德豐祀其一於赫皇吳應天統
文丞相文烈公光讚勲九命皇耀茂德弥勤華黼龍

文館詞林

一百五十六

九

藻金石載振其二羨哉陸生丕顯洪胄亦崇懿風邈此
弘裕無競厥德豐光伊茂交以義好施以仁富其三山
積惟峻道隆名遐潛景在泉龍耀承華既淑尔儀誰
不允嘉有濯重泉載清其波其四濟々皇朝莪々髦士
序爵以賢唯雋萃止翩翩二宮令問不已乃遷華閣
皇豐斯紀其五思文大謨恢我王猷清風肆穆雅憲允
休邁彼江川邈此北流微言蘭馥玉藻雲浮其六遭時
之險虐宰滔天憑德羨重繫此雋人休否既亨名以
德宣清徽伊鑠鑽之玆堅其七明々大象玄鑒照微顯
允君子求福不回善挹餘慶險以德祈澄濁以清罔
有不暉其八釋彼短寄樂此窈冥形以神和思以情新

青雲可乘芳餌可捐達觀在一萬物自賓其九制動以
靜秘景在陰靈根可栖樂此隈岑關捷重閉誰和子
音瞻彼晨風思託茂林其十

答孫承一首

邈矣上祖垂休萬葉廣問弘被崇軌峻躡高山克荒
大川利涉繁茲惟祐風連雲接其十一大人有作二后利
見九功敷奏七德殷薦鼎寶重飪芳烈再扇弈葉弘
道天祿來宴其十二道弘振古祈來替今如彼在川亦有
浮沈大韶既系響比我音豈曰荒止塗弗剋尋其十三昌
風改物豐水易瀾百川總紀四海合源在彼焉取聿
來莫觀曾是褊心敢忘上園其十四貞暉偏照玄澤繆盈

文館詞林

發彼承華頓此增城託景靈雲倦遊戶庭匪曰能之
實忝長纓其十五煥矣金獸襲我皇猷孰云匪去仰媿倉
流往蹇來反弭迹一丘變彼東朝言即尔謀其十六卓々
孫子洪族之紀志擬龍潛德配麟心弘義朗節克明
峻軌遵彼中臯於穆不已其十七於穆不已大都是階之
子于命人應如頽厚德時邁協風允諧惠此海湄俾
也可懷其十八乃眷林澤樂我河曲解紱投簪披褐懷玉
遺情春臺託蔭寒木言念伊人溫其在谷其十九道俟人
行辭以義輯和容過表余未云執惠音高播清風駿
集懷德形恤臨篇景立其二十

贈鄭曼季四首

并序

西晉陸雲

谷風懷思也君子在野愛而不見故作是詩言其懷而思之也

習々谷風扇此暮春玄澤墜潤靈華烟氲高山熾景
喬木興繁潤波清涌芳澣增源感物興想念我懷人
其習々谷風載穆其音流芳鼓物清塵拂林霖雨嘉
播有揜淒陰歸鴻逝矣玄鳥來吟嗟我懷人其居樂
潛明發有想如結予心其習々谷風以溫以涼玄黃
交泰品物含章潛介泉躍飛鳥雲翔嗟我懷人在津
之梁明發有思凌波褰裳其習々谷風有集惟喬嗟
我懷人於焉逍遙鸞栖高岡耳想雲韶拊翼墜夕和
鳴興朝我之思之言懷其休其習々谷風其音孔嘉

所謂伊人在谷之阿獸質山嘯龍輝泉播南有箕山
匪休其和有球天畢戢尔滂沱懿厥河漢耽彼大華
明發有懷我勞如何其五
南衡羨君子也言君子邈俗不悶以德存身作者思
其以德來仕又願言就之宿感白駒之義而作是詩
焉

南衡惟岳峻極昊蒼瞻彼江湘惟水泱々清和有合
俊义以臧天保定尔茂以瑰光景秀濛汜頽逸扶桑
我之懷矣休音峻揚其穆々休音有來肅雍沈波踊
奧泉芳馥風僚虛養恬照日遺蹤考盤遵渚思樂潛
龍我之懷矣寘尔華宮其和壁在山荆林玉潤之子

于潛清輝遠振克稱輔德作實有晉和聲在林羽儀
未變我之懷矣有客來信其風雲有作應通山泉清
琴啓彈宮商乘弦類族知感有命自天夷叔曠代猶
謂比肩矧我与子姤會斯年我之懷居其好纏綿其
古人有言詩以宣心我之懷矣在彼北林何有於煥
斯文瓊瑰非寶尺牘成珍豐華非妙得意惟神河魴
登俎遭逢清川其
鳴鶴羨君子也太平之時君子猶有退而窮居者樂
天知命無憂無欲收碩人之考磐傷有德之遺俗故
作是詩

鳴鶴在陰戢其左翼肅雍和鳴在川之域假樂君子

文館詞林

一百五十六

十二

祈尔明德思樂重虛歸于其極嗟我懷人惟馨黍稷
其鳴鶴在陰其鳴喈喈垂翼蘭沼濯清芳池假樂君
子其茂猗々底之瑰實有粲瓊瑰乃振袿裳襲尔好
衣嗟我懷人啓襟以晞其鳴鶴在陰其儀藹々謂天
盖高和音于邁假樂君子篤膺俊乂穆風潛烈興雲
戢蒼德茂當年時愆嘉會安得磐藻改尔縞帶嗟我
懷人心焉慷慨其鳴鶴在陰載好其聲漸陸儀羽遵
渚回淫假樂君子祚之篤生德耀有穆如瑤如瓊視
流濯髮滅景遺纓安得風雲雨尔北冥嗟我懷人惟
用傷情

瞻彼高崗有猗其桐允也君子實寶南江負規啓裕

沈矩履方詠此明流清瀾川通陟彼衡林味其回芳
其馥矣迴芳綢繆中原祁之庶類薄采其芬栖遲秘
上容与衡門聲播東祀響溢南雲其穆之闔闔南端
啓籥庶明以庸帝聽式闢有鳳于潛在林栖翮非子
之祚孰与好爵其幽居玩物願景自願發憤潛惟仿
彿有思予美亡此終然肯來企予興言惟用作詩其
贈司隸傅咸一首 西晉張載

皇靈闡曜流英敷醇苞光含素以授哲人於赫洪烈
寔子厥真慮該道機思窮妙神汪穆其度煥蔚其文
實茂成秋華繁榮春清藻既振乃郁乃彬德風雲暢
休聲響震其侔衆古昔越軌曩朝外駭方域內冠皇


文館詞林

一百五十六

十三


寮峨々峻極誰其能超出莅宰守播化丞苗入毗帝
猷翼讚均陶道殊顏孔勲擬伊臯其太上立本至虛
是崇猗欵清規允迪斯冲韜納無方以光徽融嗟我
昏矇懷賢仰風其思存豫屬厠于末徒沫浴芳源儀
形訓模重仞幽秘願陟其塗其彼海湯々涓流所歸
鱗宗龍翔鳥慕鳳飛瞻賴高景曷云能違未見君子
載渴載飢其

文館詞林



卷第一百五十六

九四千九百十言



文館詞林卷第一百五十七

詩十七人部古贈答雜贈卷三

中書令太子賓客監修國史和文館學士上柱國高陽郡開國公臣許敬宗等奉

勅撰

四言

西晉曹摅贈韓德真一首

贈石崇一首

贈王弘遠一首

贈歐陽建一首

答趙景猷三首

西晉棗腆答石崇一首

西晉棗嵩贈杜方封一首

西晉盧諶贈荀彧將一首

西晉夏靖答陸士衡一首

東晉郭璞答賈九州愁一首

与王使君一首

答王門子一首

贈温嶠一首

東晉梅陶贈温嶠一首

東晉王胡之贈安西庾翼一首

答謝安一首

東晉孫綽贈温嶠一首

与庾冰一首

答許詢一首

贈謝安一首

東晉謝安与王胡之一首

東晉郗超答傅郎一首

東晉羊徽贈傅長猷傳時為太尉主簿入為都官

郎一首

答丘泉之一首

四言

贈韓衍真一首

西晉曹摅

赫々顯族冠盖莪々葛延王室鯨鼉帝家如地之岳
如天之河爰有韓生體德逶迤玉質含章珪白無瑕

庇岳之崇蔭林之華朝遊龍泉夕棲鳳柯同宿望舒
參轡羲和弘曜日月不榮若何其時不久留日月其
除玄景嗟馳忽淪棗榆惜此寸陰念彼白駒昔齊驥
蹤今則異塗我損吳坂子亨天衢尔足既駿尔御亦
殊顧我鴛蹇能不踟蹰取譬草木假喻龍魚其松以
冬凋蘭以春芳龍升在雲魚沉于梁大地未綴華秀
梓旁傾質惠夙晞采朝陽燼微難熾根朽不長爛不
自燭榮於何望幽室誰照冀子餘光其餘光不照怨
在貧婦谷凡遺舊伐木敦友嗟々人間一薄一厚時
無展禽臧文何咎蕭生既沒誰与結綬攝余衣冠歸
守丘阜平生之要不忘在久枉尔結駟軾我壟畝其四

贈石崇一首

昂々我牧徂惟人豪作鎮方岳有徽其高英夙遠扇
峻跡遐招攻璞荆岵滋蘭江臯朝採芝蕙夕玩瓊瑤
豈乏珉石乃牧艾蕭髦隽在位多士盈朝雖欣嘉顏
懼忝班僚其人亦有云上明下真匪唯具臣諤々在
側讜言既奏朝有正色翰飛冲天必假羽翼咨余承
乏与属備職曾無補益徒竭心力龍旗反旆鸞駕迴
軾顛尋塵軌以除其逼其美茲高會憑城臨川峻墉
元閣層樓闢軒遠望長州近察重泉鬱々繁林蕩々
洪源津人思濟舟士戲船得廁大歡屢蒙賓延飲必
鄙綠肴則時鮮仰接温顏俯聽話言嘉我乃遇遭彼

頻煩其浮萍依水寄生附林託根清流委積重陰願
樹之茂樂川之深太陽移宿葵藿傾心至誠苟著雖
微難禁况与夫子利齊断金敢敷中懷貢之所欽其
贈王弘遠一首 西晉曹摅

道貴無名德尚宣欲俗牧其華我執其朴人取其榮
余守其辱窮巷湫隘環堵淺局肩廡弗暨茅室不斷
潦必陵階雨則浸楸仰懼濡首俯惟塗足妻孥之陋
如彼隸僕布裳不衽韋帶三統將乘白駒歸于空谷
隱士良苦樂哉勢族其介樂伊何志逸樂深太府堂
閑房惜々早不厭日水不患霖入懽卓氏出玩秦
鉞寵妻懷目嬖子娛心華屏列曜藻帳垂陰纓黻流

文館詞林

一百五十七

芳羅襦解衿嬾婉之求一啖千金忽彼苦誠甘此所
欽言往不訓秘其位音其採石他山攻璞南荆雖無
和璧冀牧瑤瓊日月愈久曾無玉声傾心注耳寤焉
靡聽桃李不報徒勞我誠瑾不匿華蘭不秘馨何惜
織翰莫慰予情

贈歐陽建一首

西晉曹摅

嗟我良友惟彥之選弱冠叅戎既立南面或踊而升
蔚煥其變豈徒虛声考績畿甸約政理繁事省功辯
如何勿思自我不見乃命僕夫北臨其縣其義闕三
益試替離羣側想讜言願同蘭芬謂芒盖高載越其
墳涉境登朝信惟惠君烈々威禁肅如風雲誰言善

蔽在幽必聞鶴鳴既和好爵亦分其二昔有豹產實能
鄭在漢黃邵剋堪敷政著名上代千載遺詠仰瞻先
蹤可不斯競方六七十觀化賢聖分河跨土於茲為
盛茂勉不墮古人所病其三湯々洪川朝宗于海芒々
甫田稼穡攸在瞻彼南畝勤郵無殆鑒此長流朝夕
莫改念茲在茲非孰肯四慎終如始令問遂倍

答趙景猷詩四首

西晉曹摅

於鑠趙生載德相紹挺此令嶷素質皎々投跡清規
研思至道擬秋厲節晞春振藻其一厲節伊何如霜之
榮懷玉匿采抱蘭秘馨蔽器俟賈潛秀養英其二海蓄
其流山積其壤表崇望顯源深潤廣仰惟我友含光

文館詞林

一百五十七

昧爽誰謂未章今將宣朗其三守真良難知德者解賢
不問時樂在為善陟彼弥高流川日遠無憂不至敦
余攸踐其四道有夷險遇有通否驥不稱力士貴所履
識歸要會豈嫌塗軌苟非位義於我糠粃其五泉竭龍
逝樹茂鳥聚爵彼北林招其侪侶嗟我孤根枝葉骨
々歲寒靡託遠播江渚其六濟々京華隽又並湊悠々
遐裔我獨是赴哀此離羣悲彼孤陋非無新好人則
惟舊其七義著往業分珎來襲庶幾与子終茲不敘豈
如冬夏寒暑易節斯誠既著信不待誓其八實望嘉贈
披懷發中直諒未聞厲致濶冲投于幽谷試之已崇
客過行雲虛其旋凡其九導以水柔示以火急寬猛相

五

濟孰能企及古人難慕洪流巨挹軀小裁薄余將烏
襲^其翟氏載離陳張終辱交以時利胡能不黷竊恠
吾子自疑末俗愧以沙礫何言金玉^其
汎舟洛川清彼黃河乘流浮蕩儵忽經過孤栢亭
迴山峩々水卉癸藻陵木楊葩白芷舒華綠英垂柯
遊鱗交躍翔鳥相和俯玩璇瀨仰看瓊華願想風人
伐檀山阿存彼魚人滄浪之歌邈々淪漪滔々洪波
大道孔長人生幾何俟瀆之清徒嬰百羅今我不樂
時將蹉跎蕩心肆志与物無瑕歡以卒歲孰知其他
季秋惟末孟冬之初大火頽流日月其除嗟我懷人
離羣索居山谷乖錯飛沉異塗与余同代光景永殊

爰而不見搔首踟躕出門仿佯陟彼城隅俯察綠水
仰瞻天衢雍々和鷹偏々遊鳧感物興懷憤思鬱紆
脩夜悠々寤々閑處情在心想中宵寤語有鳥自南
寄声謝汝飛鳥難期待獨延伫精誠之至崩城隕霜
韓凡丹青化為鴛鴦止必交頸飛必雙翔願言与汝
携手同行情若比目離如叅商遺夢想象仿佛暉光
中心鬱滯伊懷永傷素秋授終立節敬御逝將離征
我整我車命彼僕夫駕言北徂告别津裔執手岐路
汎舟中流載邈臨河歎逝眷々長願越登關阻
踰歷山川峻阜隆崇流水泉泣曠野冥莽脩塗泯綿
鳥鳴雍々木落繽翩薄寒吹悽微風交旋惟時愴余

悼物惻然遠思遙奔近念因捐良夜弗寐嘉肴弗瀆
停駕踟躕進路槃桓心亦何為願懷所安嗟行伊久
慨其永歎氣感異類誠發心肝離禽赴衡偏鳥鳴軒
思如尋縈莫知其端古人罔極今我不爽願言所欽
唯子靡兩情存口詠心憶目想形遊神還身去意往
伫立不見瞻望佛仿婉孌西路遺憂養人則惟舊
我好惟新一日之隔悠若三春矧乃于別越魚二旬
薄暮愁予思亦終晨耿耿不寐媚茲良人今也亡此
誰與獨勤夕宿路麋朝發澤濱良駟踪足輕車結輪
替脫俛仰荏苒時馳秋來冬及節變歲移慕之菜
漂然去枝蔽芾豐草殞其黃萎無生不化我心匪野

眷々屈生哀彼乖離遲々楊子哭此路岐繾綣之情
鄙我人斯達者無累內顧何為

荅石崇一首

西晉棗腆

昔我不造備嘗巔沛后土傾基皇天隕蓋少懷蒙昧
長無耿介遺訓莫聞出入靡賴如彼泉流不絕若帶
終懷永思感昔康泰我甥敷命于彼徐方載詠陟岵
言念渭陽乃泝洪流汎身餘皇宵寢晨逝曷路之長
亦既至止願言以寫爰有石侯作鎮東夏寬以撫戎
從容柔雅獸嘯幽巖翔鳳扇起逸響既振衆聽傾耳
恂々善誘大揖羣士宗道投意結心万里我固其終
人結其始宗道伊何英朗特雋如彼凌高日以增峻

隰朋有慕顏生希舜遊志域外滌除鄙吝仰止晨風
豫登數仞我聞有言居安思危位極則遷勢至必移
上德無欲遺道不為妙識先覺通夢皇羲竊覩堂奧
欽蹈明規

贈杜方村一首

西晉棗嵩

爰有良木結基崇岸孤根挺茂豔此豐幹晞曜朝陽
接潤辰漢如彼芳松繁華冬榮一其厥豔伊何重英累
茂厥榮伊何既苗而秀綽矣杜生應期特授人以位
瞻而能義富二其浩々万區悠々俗網變化無際誰鑒
其象慎微將來積著在往惟子居之久而不爽三其名
以實顯形端景立弘之匪他唯我所執文莫如人瞻

文館詞林

一百五十七

望弗及若在聞一其殆知十四其肇允發縱履霜之始
乃自童矇芬葩乘梓鳴鶴在陰縻爵君子羽儀上京
弱冠來仕五其在動能躍處靜思默既宣厥文亦茂其
位韞六其蓬林允衡上國洪音振朗暉曜四塞六其達節
無累貴彼脩身不求善已而務得人進替惟意與時
屈申萬物云々飄若埃塵七其假翼巖阿束翮景雲控
銳者易鮮能解紛位之休明卓焉出羣豈獨吳起高
謝田文八其余與吾生處非先後神結傾蓋情固白首
推年下交以文會友忠焉之誨望子善誘九其積細靡
隊一覆斯崇訓致以道堅冰則終雖小必大無往不
隆嗟我良朋敬承清風十其

贈荀彥將一首

西晉棗嵩

光々國寶曰瑜曰瑾濟々清朝曰髦曰雋瑜瑾既琢
有温其潤髦雋既集芳凡其振其顯允荀生天挺厥
真沉穢膚敏温粹淵仁初應宰命徽音惟新遂假蒲
密簡在至神其時惟惠后黎人攸綏乃授明位賦政
近畿戢翼太清翻然鳳飛尋此遐躍曜彼遠暉其昔
在豹產顯名當時及尔祖公播声于兹赫々顯名在
尔揚之穆々播声在尔光之其孰謂玉寶匪我所珍
孰謂言輕乃重千鈞勉樹惠化敬及厥身引領南望

子清塵其

答陸衡一首

西晉夏靖

文館詞林

一百五十七

大哉軋元万品資生陶育五常惟濁惟清猗欵君子
誕稟純精行歸于周忠篤允誠々々伊何拔羣出俗
華文不脩抱此素樸履謙居冲恒若不足上交不谄
下交不瀆倬彼雲漢於章于天九五翻飛利見大人
々々有命是牧是招時行則行遂外東朝々々光々
天同其曜匪徒一臺天同其照々々尔德又簡尔才
將登三事百揆是釐據仁為本杖義為典經緯三墳
錯綜衆書斟酌聖奧与道卷舒靡々陸生帝度其心
静恭夙夜莫其德音德音既莫其美弥深為物之主
為士之林天佐高山大王荒之蕩々荆士子其康之
夙俗未敷子其臧之羣彥未叙子其經之忝榮剖符

悠悠在茲羔裘豹祛有愧不能乃眷我願爰貽休詩
嘉覩嘉藻以為清規敢銘妙言終始永思

答賈九州愁詩一首

東晉郭璞

廣莫貳寒玄英啓謝感彼時變悲此物化獨步閑朝
哀嘆靜夜位非顏原屢空蓬舍輕服御冬藍褐當夏
正未墨突逝將命駕幸賴吾賢少慰藉其願瞻中
宇一朝分崩天網既紊浮鯢橫騰運首北眷邈哉華
恒雖欲凌翥矯翻靡登俯懼潛機仰慮飛曾惟其嶮
哀難辛備曾庶晞河清混焉未澄其自我徂遷周之
陽月亂離方熾憂虞匪歇四極雖遙息駕靡脫願言
齊衡庶幾契陶虽云閻投圭璋特達綿駒之變何有

文館詞林

一百五十七

胡越子固高楚我伊羅葛無貴香明終自漑渴未若

遺榮悶情丘壑逍遊永年抽簪牧豎其

典王使君一首

東晉郭璞

道有虧盈運亦凌替茫々百六孰知其弊蠢々中華

邁此虜戾遺黎其咨天末忘惠云誰之眷在我命代

其穆々皇帝固靈所授英々將軍惟哲之秀乃協神

馥如蘭臭化楊東夏勲格宇宙豈伊來蘓莫知其

覆其懷遠以文濟難以略光贊岳漠折衝惟慎凋華

振彩墜景增灼穆其莅凡休声有邈方恢神邑天衢

再廓其遭蒙之君在我幽人絕志雲肆如彼泮鱗靈

蔭椽垂躍我龍津翹情明規懷徂鑒神虽賴暨盼永

愧其塵四其靡竭匪後靡頽匪隆持貴以降挹滿以沖
邁位遺功於盛思終頽林之藹樂岱之崇永觀玉振
長賴英凡

答王門子一首

東晉郭璞

芊芊玉英濟美瓊林靡々王生寔邁俊心藻豔三秀
響諧詔音映彩春蘭擢縈秋岑其我雖同薄及尔異
穎翹不冠叢榮不熙町因夷杖平藉澄任靜思樂逸
鷺翻飛雲領二其疇昔之乖永言莫見之子于罹再離
淪湮苔不凋翠柯不易積染霜滋芬在陶弥練三其詩
亦有言兄弟無遠矧我暨尔姒媿繾綣猗人其來青
陽載婉言歸于好如彼琴管四其皇極委夷運有經綸

文館詞林

聊以傲詠不榮不遜敢希寤放庶幾無悶匪薰匪猷
安知藜蓀五其遺物任性兀然自縱倚榮彫藹寓音雅
弄匪涉魏闕匪滯陋巷永賴不才逍遙無用六其

贈温嶠一首

東晉郭璞

蘭薄有莖玉泉產玫瑰々含凡灼々猗人如金之暎
如瓊之津擢翹秋陽凌波暴鱗一其擢翹伊何妙靈竒
挺暴鱗伊何披彩邁景清規外標朗鑿內景思樂雲
藹言採其穎二其人亦有言松竹有林及余臭味異苔
同岑義結在昔分涉于今我懷惟永載詠載吟三其子
策騏駿我案駘轡進不要聲退不傲位遺心隱顯得
意榮悴尚想李巖逍遙柱肆四其言以忘得交以淡成

同匪伊和惟我与生尔神余契我懷子情攜手一壺
安知塵冥_{其五}

贈溫嶠一首

東晉梅陶

魏_有晉道隆虞唐元宗中興明祖重光我帝兼基
聖后作皇生而神明誕質珪璋有亂同符恢我王綏
_{其一}名衡增耀元輔重輝泉哉若人亦顏之徽知文之
宗研理之機入銓帝評出綰王維_{其二}帝曰尔徂往鎮
江土卑尔旄麾授尔齊斧昔周之宣有熊有武在漢
五棊營平作武推轂委誠惟余典汝_{其三}俯儻勤時非
遑晏豫星陳宿駕玄旌首路輕舟龍驤武旅雲布我
戀惟愛尔勤王度遲_{其四}之感監寢宵悟_{其五}人亦有言

文館詞林

一百五十七

十二

德輔如毛重非千鈞人歎剋效武有七政文敷五教
義在止戈威崇戢暴勛尔遠猷邁尔英劬_{其五}

贈庾翼一首

東晉王胡之

儀鳳厲天騰龍陵雲昂_其猗人逸足絕羣溫風既暢
玉潤蘭芬如彼春零流津烟煜_{其一}鄧林伊何蔚_其其
映流芳伊何鑒猶水鏡通廣外潤雅裁內正降已順
時志存急病_{其二}戎馬生郊王路未夷螳螂舉斧鯨鯢
軒鱗矯_其吾子劬勞王師單醴投川飲者如歸崑嶺
載崇太陽增輝_{其三}江海能大上善居下侯王得尊心
同觸宣廢我處沖虛懷無假待來制噐如彼鑪冶天
下何事去其害馬_{其四}友以淡合理隨道泰余与夫子

自然真會整面豁懷傾枕解帶玉液相潤瓊林增蕩
心齊飛沉相望事外辟諸寵魚陵雲潛瀨其五稷契贊
時巢由允矯輔漢者房道跡者皓妙善自同外內臣
道子光齊魯余守嚴老其六元直言歸武侯解鞅子魚
司契幼安獨往神齊玄一形寄為兩苟體理分動寂
忘象仰味高風載詠載想其七迴駕蓬廬獨遊偶影陵
風行歌肆目崇嶺高丘隱天長湖萬頃可以垂綸可
以嘯咏取諸匈懷寄之匝郢

答謝安一首

東晉王胡之

荆山天峙辟立万丈蘭薄暉崖瓊林激響括人秀舉
和辟夜朗凌霄矯翰希風清往其一矯翰伊何羽儀鮮

文館詞林

二百五十七

潔清往伊何自然挺徹易達外暢聰鑒內察思樂寒
松披篠暎雪其二朱火炎上淥水赴泉風以氣積冰由
霜堅妙感無假率應自然我雖異韻及介同玄如彼
竹栢厲飈俱鮮其三利交甘絕仰違玄指君子淡親湛
若澄水余与吾生相忘隱机泰不期顯在悴通否其四
人間誠難通由達識才照經綸能泯同異鈍神幽疾
宜處無事遇物以器各自得意長短任真乃合其至
其五疇昔宴遊繾綣鬣或方童顏或始角巾騫褐攬
帔濯素若其六壑無深流仁無蹢仞今也華髮卑高殊
韻形跡外乖理暢內潤其六巢由坦步稷契王佐太公
竒拔首陽空餓各乘其道兩無貳過顛弘玄弊廢疾

十三

高卧其来贈載婉妙有新唱博以兼濟約以理當非
不悅子駑驥殊量鳥養之任其沉颺取諸曾懷寄
想郢匠其

贈溫嶠一首

東晉孫綽

大樸無像鑽之者鮮玄風雖存微言靡演邈矣哲人
測深鈎緬誰謂道遠得之無遠其既綜幽紀亦理俗
羅神濯無浪形渾俗波頰非我朗貴在光和振翰梧
標翻飛丹霞其爰在冲亂質嶷韻令長崇簡易業大
德盛体与榮辭迹与化競经纬天維翼亮皇政其狡
哉不臣拒順称兵矯君侯杖鉞斯征鯨鯢懸鯁靈
許載清淨能知道動其功成其則無則慕有必其

文館詞林

一百五十七

仰蔭風雲自同蘭夷辭以運情之詣名遺忘其言往
鑒諸旨歸其

典庾冰一首

東晉孫綽

浩々元化五運迭送昏明相錯否泰時用數鍾大過
軋象摧棟惠懷凌搆神鑿不控其位之不逮痛矣悲
夫蠻夷交迹封豕充衢芒々華夏鞠為戎墟哀魚黍
離痛過茹荼其天未忘晉乃眷東顧中宗奉時龍飛
廓祚河洛雖堙淮海獲愈業々億兆相望道著其天
步艱難蹇運方資凶羯稽誅外憂未夷矧乃蕭牆仍
生梟鷄逆兵累邁三纏紫微其遠惟自天抑亦由人
道苟無虧豐故曷曰遑々遺黎死痛生勤撫其運懷

十四

天地不仁其五丞哉我皇哲薨自然遠
隆替思懷普
天明發詢求位音遐宣臨政存化昭親尊賢其六親賢
孰在寔賴伯弼卓矣都鄉光此舉首苟云至公身非
已有將敷徽猷仰讚聖后其七義存急病星駕路次穆
尔平心不休不悴險無矜容商無凌氣形典務動志
恬道味其八余与夫子分以情照如彼清風應此朗嘯
契定一面遂隆雅好施張雖殊宮商同調其九無湖之
寓家子之館武昌之遊繾綣夕旦邂逅不已同集海
畔宅仁懷舊用忘倚歎其十晏安難常理有會乖之子
之性惆悵伍徊子冲赤霄我戢蓬黎啓興岐路慨矣
增懷其十一我聞為政寬猛相革體非太上曠能全德鑒

文館詞林

彼韋弦慎尔准墨人望在茲可不允塞其十二古人重離
必有贈遷千金之遺孰与片言勵矣庾生勉蹤前賢
何以將行取諸斯篇其十三

答許詢一首

東晉孫綽

仰觀大造俯覽時物機過患生吉凶相拂智以利昏
識由情屈野有寒枯朝有炎鬱失則震驚得必充訕
其一峩々高門鬼闕其庭弈々華輪路險則傾前輶摧
軸後鸞振鈴將隊競奔誨在臨頌達人悟始外身遺
榮其二遺榮々在外身々全卓哉先師脩德就閑散以
玄風滌以清川或步崇基或恬蒙園道足匈懷神栖
浩然其三咨余冲人稟此散質器不韜俗才不魚出綬

社告誠敢謝，担質冥運超。感邁我玄逸，宅心遼廓咀。
嚼妙一其孔父有言後，生可畏灼。許子挺竒拔，萃
方玉比瑩。擬蘭等蔚，寄懷大匠仰。希遐致將隆，千仞
豈限一匱其自我提携，倏忽四周契。合一源好結，回
流泳必齊。味翔必俱遊，懽與時積遂。隆綢繆一日不
見情，魚三秋其矧乃路遐，致茲乖違。介託西隅，我滯
斯畿。寤委卷寮，閑扇淒風。夜激皓雪，晨霏隱机。
獨詠賞音者，誰其貽我新詩韻。靈旨清粲如，揮錦琅
若叩瓊。既欣夢解，獨愧未冥。愠在有身，樂在忘生。余
則異矣，無往不平。理苟皆是，何累於情其戒以古人
邈彼巢皓，千載絕塵。山栖嘉邈，亦有負薪量力守約。

敢希先人且戢，讜言永以書紳其

贈謝安一首

東晉孫綽

緬哉冥古邈矣，上皇夷明太素。結紐靈綱，不有其一。
二理曷彰，幽源散流。玄風吐芳，扇則歇流。引則遠
朴以彫，殘實由英。前捷徑交，軫荒塗莫踐。超哉冲悟
乘雲獨反，青松負雪白。玉經飈鮮，藻弥映素質。逾昭
凝神內湛，未醜一澆。遂從雅好，高跼九霄。洋洋浚泌
藹藹丘園，庭無亂轍。室有清絃，足不越疆。談不離玄
心，憑浮雲氣。奇皓然仰詠，道誨俯膺。俗教天生而靜
物，誘則臻全。由抱朴灾生，發竅成歸。前識孰能默覺
曖々幽人，藏器掩曜。涉易知損，栖老測妙。交存風流

好因維繫自我不遘寒暑三襲漢文延賈知其弗及
戴生之黃不覺長捐与尔造玄迹未偕入鳴翼既舒
能不鶴立整翰望風庶同遥集

典王胡之一首

東晉謝安

鮮冰玉凝遇陽則消素雪珠廉潔不崇朝膏以朗煎
蘭由芳凋哲人悟之和任不標外不寄微内潤瓊瑤
如彼潛鴻拂羽雪霄其一内潤伊何疊々仁通拂羽伊
何高栖梧桐頡頏應木婉轉虵龍我雖異跡及尔育
縱思樂神崖悟言機峰其二繡雲綺搆丹霞增輝濛汜
仰映扶桑散蕤吾賢領雋邁俗鳳飛含章秀起坦步
遠遺其三余典仁友不塗不苟默匪巖穴語無滯事櫟

文館詞林

一百五十七

十七

不辭社周不駭吏紛動躡翳領之在識會感者圓妙
得者意我鑒其同物覩其異其四往化轉落運萃勾芒
仁風虛降与时抑揚蘭栖湛露竹帶素霜縈點朱的
薰流清芳觸地儻雩遇流濠梁投綸同詠褰褐俱翔
其五朝樂朗日嘯歌丘林夕翫望舒入室鳴琴五絃清
激南風披襟醇醪淬慮微言洗心幽暢者誰在我賞
音其六

答傅郎一首

東晉郝超

森々羣像妙歸玄同原始無滯孰云質通悟之斯朗
執焉則封噐乖吹万理貫一空其一昔在捩角有懷大
方雖乏超詣性不比常竒趣感心虛飈流芳始自踐

跡遂登慧場其跡以化形慧以通神時欵運欵蓮茲
泉人澄源領本啓此歸津投契凱入揮刃擢新發悟
雖迹反觀已陳其曖々末業運鍾交喪綿々塵宗千
載靡暢誰能慙中仰諧冥匠并轡一方明心絕向其
明向若易潛行諒深時惟同得婉轉嘿尋望開啓扉
披帷解衿情興未足祈我冲歲其冲歲之往豈伊璠
璠通無不暢兮靡不劬何以融之本際已无即心既
盡觸挨自虛六其

贈傅長猷傳時為太尉主簿入為都官郎一首

東晉羊徽

赫々宰朝匪虬伊鸞微々殆足策駕末班靡獲于心

文館詞林

一百五十七

十八



有虔惟官肅幽々禁孔邃且難其孰寄斯誠寔惟舊
要自昔偕遊聿來並朝雖或戎阻雖實氛蹶我有閑
暇典尔清謠二其物化交尋聚散臆薄有羨一人翻飛
雲閣離軼迎今嬾從謝昨雖則匪遐言覲弥索三其秋
鴻沂蒨商風厲時肅彼具物叩此幽司違好獨羈悵
其悽而言念斯盈告勞惟詩四其


答丘泉之一首

理矚有待事過無期自昔願言寢興伊思爰邁懷人
載欽在茲賞得意從無闕惟時一其王路威夷戎役孔
勤昔從經略方難之殷悠々岱陰滔々江濱綢繆成
說典子夷屯二其江之泳矣載瀾載清俛冑時暇解顏

舒誠理既睦本事亦敦情永言契闊寔深平生其自
茲乖互屬有逝止余實無良沉痾弥祀孰是懷之則
惟吾子豈微王事驟駕無已其疲殆既謝惠澤是逢
顯列斯偕厥司攸同疇昔之歡於烏克從託曜春藻
慰此秋蓬其雖則克從邇來有乖衡泌之娛休沐未
偕冬日烈烈飄風淒淒對影華署如何勿懷其懷亦
勤止戢此餘蘭惠以好言深試在翰敢忘三折敬思
五難君子攸贈復之歲寒其

文館詞林卷第一百五十七





文館詞林卷第一百五十八

中書令太子賓客監修國史弘文館學士上柱國高陽郡開國公臣許敬宗等奉

勅撰

上闕

浪赴沂英華始翫落葉已稀惆悵衡臯心烏有違其一
告離甫尔荏舟迴周懷風感遷思我良疇豈其無人
莫与好仇孰日晏安神往形留其二感昔戎行遠暨西
垠僂俛于役不敢告勤尔亦同事契陶江濱庶同支
離攘臂解紛其三鳴鵠在陰自幽必顯既日有声因風
易演逶迤雲閣司帝之典蔚彼遺藉如瑩如洗其四齊

仲善交在久，弥敬自我之。邁一遇而定，於穆謝生以
和。繕性有言，屬耳有文。在詠^五其寘，弱多幸逢茲道。泰
荷榮西荒，晏然解帶。翦削前識，任此天籟。人既遇矣，
何懼何害^六。其搔首北眷，清對未從。瞻雲累歎，思□御
風。良願易違，嘉樂難逢。微我無衣，溫涼誰同^七。其古人
善身實畏，斯名緣督。何貴卷耀，藏馨九言之贈。實由
未冥片音，或重玷璠可輕^八。其

贈記室羊徽其屬疾在外一首

宋丘泉之

趣以冥感，契以情運。譬彼金蘭，堅芳牙訓。郢夫寢介
濠津，闕問孰是。超賞非尔，殆蘊^一其婉。晚閑暑契，陶二
方連。鑣翔野齊，掉江湘冬。均其溫夏，共其涼豈。伊多

露情深踐霜^二。其神武遐滌，大衢方揮。屠豕晏業，尔馬
靡違。閑苑敞征，醴弦湛徽。欣彼二仲，与子俱歸^三。其願
言無必欣，慨屢造尔疾。既纓余憂，用老搔首。匪勤寔
纏中抱，言念佳人。祇增心攬^四。其天道雖緬，福善可期。
今唯吾子，允應在茲。乘理載遂，冲衿自怡。三折既履
五德，宜思^五其予業。弗高屢羈，塵役勉彼。儉勤忝此墳
籍，識以榮期。顏以厚積，庶憑納汙。仁規三益^六。其
敬贈蕭諮議一首

南齊虞羲

琰源派水，玉樹分柯。投殷于宗，佐漢而鄴。九筭攸叙，
一畫載訶。象賢弈葉，袞服逶迤^一。其自茲以降，朝端國
右。鳴玉在腰，納言加首。有鍾有石，無凋無朽。令問令

望如瓊如玖^{其二}相門出相德門有德弱冠登朝淞問
玄塞弱冠伊何有典有則淞問伊何自南自北^{其三}五
芝秀草八桂嘉樹五馬駢塗八龍遊霧彼令兄弟方
之有裕並列大夫登高而賦^四其受言載華遂典羣流
天祿不校白獸未雉申轅風雅邳邾春秋彛文不斲
臧此之由^五其帝念師旅詔參惟慎對曰戎車未之先
學歸陳俎豆拂衣行樂容止可觀卷舒可度^六其千乘
之后好道軾閭閑府之日有弓有輿久勤引領獨下
辟書鳴茄啓路託乘後車^七其枚叟上書吳王弗納夫
君心諫直道難合有伐問仁陽狂不吞乃蒙矢刃永
離^八其退食自公多歷年所思歸養素豫聞斯語

終日下帷情非待舉如蘧如惠此出此處^九其吾人下
走國士見知同遊宛洛並泛漣漪輕蘿易動遂別芳
枝蹈之不足託此差池^十其

贈何錄事諲之一首

南齊虞羲

歷々斗維王畿所止滔滔瀟漢天步之紀金耀圓圖
玉澈方汎蒞靈擢秀載萬君子^一其於穆君子左角佩
鷗從羣竹騎取雋遊兕昂々千里宛々長離同規同
矩異雄守雌^二其早弃幼志夙耽強學唯道是脩何土
不樂將英竹箭聊遊瞽岳容止可觀進退可度^三其有
德有行如珪如璋樂山樂水令問令望辭家觀國為
龍為光唯兄唯弟元方季方^四其漢北張生洛陽賈子

秩宗是佐淵問不已僉曰允諧肅恭帝祉於斯為盛
齊稱得士五其中槐如宿上閣如雲握蘭正典執筆司
文方瑜等潤比桂爭芬能照時宰績著人君六其帝子
南牧孔殷是撫白水悠々青原廡々賁之束帛不日
來取如馬如枚長裾上府七其咨余下走中田穫蒔迺
裹糗糧遂去鄉塾既日覲止朝遊夕宿如佩萱蘭久
知芬馥八其共化之選古謂惟良能柔下邑必惠上邦
大君有命朱裸繡裳方同汲子重卧淮陽九其嘉命顯
承方駕蘭汜如彼飛鴻搏風千里極目亭臯勞心無
已蘓歌有慰逖聽傾耳十其

贈逸人一首

梁武帝

文館詞林

一百五十八

任重悠々生涯浩々善難拔茅惡易蔓草逞思藥石
遜求非道珠豈朝珎璧寧國寶想賢若焚憂人如擣
一其我聞在昔有古天子虞華駢聖周昌多士緝熙朝
野體邦經始二其惟河出圖唯岳降神是代皆有何代
無人懷寶迷邦高尚隱淪價待哲后見須明君伊予
不聰故闕斯聞三其目因見生才為時育何為山阿何
為空谷聲殊雉雉響異吻鹿豈須託夢寧俟延卜想
象屠釣踟厨板築四其仁者博愛大士兼撫慈均春陽
澤若時雨心忘分別情無去取等皆長養同加嫗煦
譬流趨海如子歸父五其願探懷抱非為富貴代既同
人時亦皆醉六合岳崩九州海沸事須經綸屬當連

師投袂劍起澄清涇渭^{六其}念我栖遲安步任心夏興
石泉春遊香林勸踰絲竹樂過瑟琴無疑無難誰訶
誰禁百非不起万累俱沉^{七其}思懷友朋遠至歡適躬
開二敬徑延三益繾綣故舊綢繆宿昔善言無違相
視莫違情如斷金義若投石^{八其}仲節猶嫩春色始嬌
湛露未晞輕雲已消綠竹猗猗紅桃夭夭香氣四起
英蘩六搖蜂閑採花雀戲新條^{九其}風光綠野日照青
丘鴉鳥初飛新泉始流乘輿攜手連步同遊採芳中
阿折華道周任情止息隨意去留^{十其}如壘生木有
異心如林鳴鳥有殊音如江游魚有浮沉巖
山高湛々水深事跡易見理相難尋^{十一其}晨朝已失乘
山

榆復過漏有去箭流無還波切念不減疑慮益多季
俗易驕危心少和我之憂矣用是作歌^{十二其}

和贈逸人應詔一首

梁簡文帝

紫微垂象常居為政司牧則之以膺天命明々我皇
乃神乃聖功韜玉檢道光金鏡爰昔在田君德夙盛
^{一其}過矣西土惟天有漢姬實剪商劉亦撥亂赫然浮
夏同符共貫軋迴龍動雲蒸冰渙一戎定齊二儀貞
觀^{二其}軒衣禹食以服以膳舜漆堯厨匪耽匪盻黃畏
上天丕顯無翻百神効職羣祀歲遍瑞草晨開德星
昏見^{三其}鏗鏘六樂昭彰七藝白獸談經石渠稱制齊
稷嚴粦魯洙忘滯南風慶雲禹謩湯誓不有今弘安

知昔細^{四其}穀稼斯重珠玉為輕我畷既樂我億已盈
貢田靡撤譏關不征四人遷賀百貨社行樓船舉帆
賣藥藏名^{五其}方赫率止軍幕洞開如猊如獸如運如
雷呼韓北款樓蘭南摧威加四海武讐九垓有苗已
格徐方不^{六其}回愍茲五濁矜此四流既開慧海廣列
擅舟金輪瑤印丹枕白牛率土祛惑含生離憂大羅
網息作士刑休^{七其}三北驗佃百工寫質既盛商年且
高周日嘉謀沃心王道又密聖猷獨照運茲得一君
唱臣從無違何弼^{八其}負壺井谷擊壤衢中猶紆帝念
哥詠自哀思諸舉逸羨彼溥風國獻選士鄉薦教忠
論才司馬試射郊宮^{九其}准測天度鍾應星璣風除摠

至草復具腓冰輕寒盡泉長春歸射干先動載勝行
飛千門照日五達含暉^{十其}伊臣不佞叨備元子傳訛
弦頌司教詩史朱綬傍垂安車高跼膳則不會宴則
以齒澤優禮博兢懼何已^{十一其}聖親明主千載一逢子
法臣道竭誠思恭周記希習齊歲願從雖加砒礪願
揆愚蠢匪躬斯鑒孰肯為容^{十二其}

贈沈錄事江水曹二大使

東陽郡時

梁沈約

伊我洪族源濬流長弈々清濟代有蘭芳允茲二秀
挺幹朝陽于被原隰徽命是將^{一其}受言帝庭觀風上
牧逸翰雙舉為腓為服遍軌甌吳縈滄海陸岌々貂
冕麟々華轂^{二其}帝格文祖握瑞持衡慶踰高邑北屬

大橫王道無外軌路昭亨近臣展事上介倅行其微
下國川紆路阻蕩々王人匪遑寧處巡儀既暢私
宴亦叙置酒式歌披衿寤語其四式途在日復路迴舟
霜結暮草風卷寒流情勞東眷望泣西浮崇君遠業
敬介芳猷其五

贈劉南郡季連

東陽郡時

梁沈約

鴻漢景德盛楚連徽灼々中壘入奧知微殊源別派
復屬清輝伊我蘭執升堂啓扉其宴遊忽永心期靡
悔代厯四朝年踰十載用居繾綣余違介誨豈獨秋
蘭結言為珮其事有離會心未江湖昔分湘濟今別
荆吳安得理翰同飛故都情勞伊介念切紛吾其追

文館詞林

一百五十八

七

念生平歡友非一諷孛斯五披林者七方駕清衢置
酒蘭室離役代有興言涕溢其山邦務寡陝輔任隆
才否雖異勞逸不同幽巖何有丹桂為叢結枝以贈
寄之飛鴻其峩々令藩騰芳戚右緝茲江漢寔寄僚
首在德易充為名難朽願言可獲歲暮攜手其
贈任昉一首

梁到洽

獸生文蔚鳳亦五色絢彩火然豈由畫飾猗欵若人
不扶自直數仞難闕万頃誰測其四教必脩九德斯
備往行前言多識夙匱一見口傳暫聞心記生知之
敏昔滄今至其藝不兼遊擇其從善苞羅載藉絕妙
蟲篆演綜名實憲章朝典不體良才孰營心辯其在

昔未遘迺睠伊人余未倒屣先枉清塵願慙菲薄徒
招好仁傾蓋已舊久敬弥親其四范張交好升堂拜母
亦蒙吾賢此眷之厚恩猶弟兄義實朋友豈云德招
信茲善誘其五欣遇以來四載斯日運謝如流時為歲
聿月次既窮星迴已畢玄象晝昏明庶曉疾其六妍拙
不齊方負各取子登王朝為代規矩余拙一丘卧病
靜處同盡性分殊塗嘿語其七得於神遇相忘道術若
水之淡乃同膠漆豈寄响濡方申稠密在心為志非
詩奚述其七

谷祕書丞張率一首

梁到洽

東南季子上國賈生會稽竹箭嶧陽孤莖物產因地

品賦斯征孰若兼美羽儀上京其一上京羽儀十紀鴻
漸竹待羽枯木資剡剡皎々素絲涅而不染晨雞靡
暄徑寸誰揜其二豫樟之生誰能先識山衡野虞偶知
所植百尺無枝何枉斯直青冥聳翰丹霄拂翼其三介
日聞聲余稱傾蓋事以年殊理因義會我好春蘭子
歡秋艾蘭艾既辯春秋交害其四在昔壯年嘗恠長老
殷勤好少忘年愛寶於今念茲苟求懷抱綺繻素褐
何傷交道其五前有元幹置左置右後有弘度流兮四
部爰在伊人蔚為舉首余掌司直有謬蘭莠其六余既
遲暮傷茲歲聿迫以賤事且嬰老疾子有俦年方賒
來日雖無事烏寧忘蓬葦其七寤言安適懷人在斯九

重窈窕長安莫窺既迅千里玉策金羈且息望羨自
事衰疲^{八其}

重贈臨蒸郭某一首

梁吳均

英々者桂結景嵩華潤以碧沼縈以紫霞蓋蓋其氣
晻映其華終朝願止載挹載嗟英々者桂亦好其音
爰彫爰剖為此瑟琴綴以青玉鏤以白金終朝願止
悠々我心蔽茀小草亦呈其節華不堪獻條不堪結
姿彼芳輝憐伶此冥滅終朝願止心烏如咽

贈徐郎一首

梁費昶

漢水如雞嶠山抵鵲維皇多士譬茲珠璞皎々名駒
昂々野鶴思發泉涌紙飛雲落射策除郎明經拜爵

文館詞林

一百七十八

九

家盈輦悅人有丹腹車載斗量束之高閣^{一其}並海之
斥奔棊才雄北隣稷下南接淹中禮無變俗樂有正
風輿人善誦君子固窮坐腰青紫俯拾三公^{二其}曰子
大夫有聲有度山東隼立關西獨步奮翻高雲揚鑣
遠路王侯十辟英傑三顧貞若斷山心如武庫^{三其}昔
聞舊矣寤寐詠哥我刺未書君驟肯過爰而不見獨
抱縈波晨瞻洛汭夕望江沱方年已壯乃遇蕭何^{四其}
何用好仁從遊則變何用祛鄙万頃斯見子亦絕倫
爭驅前彥斧藻其德雕龍其殉^{五其}殷勤膠漆留連琴
酒居徒壁立嫗亦廉醜紡績江南躬耕谷口庭中三
徑門前五柳子若彈冠余當結綬^{六其}

仰贈特進陽休之一首

并序

隨盧思道

夫士之在俗所以騰聲邁實爵為時宗者厥塗有三
為才也位也年也才則弘道立言師範雅俗位則乘
軒服冕變代天工年則貳膳杖朝致養膠序緬尋古
始永鑒前指齒歷身名鮮能俱泰特進陽公兼而有
之矣大齊武平之五載抗表懸車難進之風首振頽
俗余不勝嘉仰敬贈是詩

幽求遂古遯聽前聞鴻荒眇邈篆策緗緼體國經野
為鳥為雲果行毓德或武或文其一於鑠君子含章挺
秀龍翰鳳翼玉榮松茂逸韻孤峙奇峯迴構慕舜匪
高希顏可陋其二藝殫文府學究書林盡則窮厯索隱

文館詞林

一百五十八

十

鈎深靈珠耀手明鏡懸心聲偃華裔道冠衣簪其三豹
變其文鴻漸於陸入作卿士出為嶽牧千社萬鍾玄
冕丹轂神之聽之介以景福其四漢稱廣德晉美劇陽
君亦高蹈二此鴻芳知足知止令問令望功遂身退
休有烈光其五聞風伯夷懦夫自立祖道踈傳行人實
泣公之戾止僚友肯集瞻彼高山每懷靡及其六余實
膚陋少不及門挾策問道捧笈承恩以茲高義被於
後昆式歌且舞敢贈長言其七

文館詞林卷第一百五十八

文館詞林卷第三百四十七

中書令太子賓客監修國史弘文館學士上柱國高陽郡開國公臣許敬宗等奉

勅撰

上闕

杭紫津濟小浚厯高闕出雞鹿峙天街絕地垠掩薄
比題□彼姑溷騁六師於長莽縱四技於中原卒釐
王庭夷部落刈尸逐頰禺犢刊句林剝慮庶弥無遺
育穢類滅族裘毳之倫肉噍之黨莫不沮瞻交辟虜
屬乃俘其王侯羣孥略其牛羊鹵獲降之溢輦藪升
之覆山阜蒸氣生雲霓塵埃冒千里鼓鐸震西鄰詬

諫盪北海自三五攸降征討之師未之有也南仲吉甫猶翼也翱翔不過宸宇遠徂朔方近歸自鄙而詩人歎羨猶載乎經雅一切收功無優容之風餘糧闐壑餓俘弗矜孰我將軍懿略參無外拓跡汎海表愷悌函甘棠神武凌尚甫云尔哉其施仁樹惠也斑寶賂散玆舖流甘膳同織服恤劬勞愍疾勤撫其士与之乎消息豈徒歎嶮隅隙之間苟自逸如此而已乎故能夫得其死人忘其勞懦者生剉散士爭驍銳氣先鋒臨敵競號鬼雄雷薄倏忽神擊猶中虛癸舍矢必嚆於是嚴敵已盡士宛餘怒甲無解札之遺矢無亡鏃之耗然後窮覽遐冥廓廓天外掃地清野寇

文館詞林

三百四十七

無餘裔勞不過一時而垂祚數百歲斯非上智立鑒獨見之絕跡欤既乃周流□□道遙鄧林扞天樞以瞰不周勒功燕然飲馬安侯邈瀚海卑居骨而後旋師長驅振旅凱諫馬府獻功載勲祖廟飲御加饗策勞受祚申九錫授五瑞賞戎捷浹士隸人事允得克當靈和其舉時其功尤故能降天祥癸地祉神人致祐永無已

重曰跨翔土而遐征予討不庭之猾虜飛鋒旗以先驅予握武技以弋野炎興赫而剉標驍騎忽以飈掃烏蹄倏其機癸予白羽燭而霆曜鋒矢濛而雨集予鉦鼓鏗以雷擊三軍奔以縱節予羣虜□而丹地王

庭滅子邑落虛羸弱獲子酋佗誅匈奴弥子清北區
命元帥子昨太師班王賦子建天威假祿廟子考守
龜祀金庫子祈蚩尤樹銘鼓子曠威弧焚獫狁子爰
方徂建元戎子錫命服朱紱赫子路輿赫寢光豹子
羈玄較參絳黃子惣駿駁采物爛子文章晫捷彫戈
子韞重弓雙麾桀子旌旄幢
應上略子侵玄罔稽靈繹子應神符虔鉞旗子飾戎
輿飛四介子揚鸞鑣班威神子勒武夫奮貌旅子滌
朔區
超天關子橫漢津竭西嶽子徂北垠踰句注子厲樓
煩濟雲中子息九原度紫彊子翔朔區越沙漠子臻

海隅

人事協子皇恩得金精揚子水靈伏順天機子把刑
德戈所指子罔不剋夷甲首子匈奴服斬温禺子刈
尸逐弥天賊子盪北極得干戈子討三國真庶事子
□不服袒忠孝子播德音假皇天子簡帝心爰比題
子獲鼎寶惟仲山子興周道同符應子襲規矩休徵
効子神所表
師聘志子元功剋封名嶽子表銘勒班馬旅子還京
室獻戎捷子舉軍實偃干戈子放旗鼓策洪伐子薦
祿祖懷皇歡子享嘉祐賚珪瓚子侔名武
伐蜀頌一首

三五代外冥數迭筭黃位既革素靈疊祭宣皇基之
天經重煥妙化洞舒徂風玄散其妙化伊何惠無不
柔厥潤伊何雨灑風流跡摸唐虞軌出殷周形委代
謝心与冥遊其我皇繼祚克明克聖離暉洞照朗然
高鏡道適乎會物暢其性悠然不期冥諧同詠其神
教既融妙祥亦標儀鳳晨吟朗星登霄蔚彼嘉禾穎
連雙苗湛矣玉露灑津葩條其宰弼伊哲百寮允明
堂蔚琳琅朝列疑英人思盡規職思齊誠大化雨施
洪潤雲行其皇家之屏唯才曰慎赫々潘衛落々雄
鎮將平氛蕩灑穢流潤漏網斯捕未賓伊振其蠢矣
嶠蜀敢竄邊外凶忒繼軌蟻聚蜂會恃遠縱虐怙嶮

自泰巖干紫霞泉吐万瀨其我皇聖仁愍彼殊裔黎
元何辜辛酸顛斃爰謀卿士啓茲嘉契乃命南藩奮
旗電逝其桓々南藩朗々竒筭介如石焉金華秋斷
杖鉞宣威率義討叛鉦鼓暨振送節焱散其人無殊
侵軍不加戎百姓若舊茂勲玄隆徂之所逮無往不
克遐迹載歌震威懷風其方邵翼宣詩人斯羨今在
聖朝一規一揆往迹緬哉於今齊軌將平凶羯鳴鳶
北指其微々小臣遇蒙朝恩再染文筆彈管儒門表
善明黜乃懷所存敢揚聖猷垂之後昆其
北伐頌一首 後魏高允
皇矣上天降鑒惟徂眷命有伐照臨万國礼化丕融

王猷允塞靜亂以威穆人以則北虜舊隸稟政在藩
往因時故逃命北轅代襲凶軌背忠食言招亡聚盜
醜類寔繁敢率犬羊罔縱猖蹶皇乃訓師興戈北伐
躍馬裹糧星馳電發撲討虔劉肆陳斧鉞々々暫陳
馘翦其旅積骸填谷流血成浦元凶孤奔假息窮野
爪牙既摧腹心亦沮周之忠厚存及行葦翼々聖明
有兼斯美釋彼京觀垂此仁旨封尸野獲惠加生死
々々蒙惠人欣覆育理貫幽冥澤漸殊域物歸其誠
神獻其福遐迩斯懷無思不服古稱善兵歷時始捷
今也用師辰不及浹六軍剋龕万邦以協義著春秋
功銘玉牒載興載頌播之來棊

文館詞林

三百四十七

五

文館詞林卷第三百卅七

文館詞林卷第四百五十七

碑卅七

百官廿七

中書令太子賓客監修國史弘文館學士左柱國高陽郡開國公臣許敬宗等奉

勅撰

都督一

東晉孫綽江州都督庾冰碑銘一首

并序

東晉張望江州都督庾翼碑銘一首

并序

東晉伏滔徐州都督王坦之碑銘一首

并序

梁孝元帝郢州都督蕭子昭碑銘一首

并序

北齊魏收兗州都督胡延碑銘一首

并序

都督一

江州都督庾冰碑銘一首

并序

東晉孫綽

君諱冰字季堅潁川鄆陵人也氏胄之由累葉之載固已被於竹素播其名跡矣君則左將軍之子太尉文康公之季弟也喻嵩巖之玄精挹清潁之絜流貞質侔於白珪明標屬於南金少有令規元兄噐之常以為庾氏之寶有晏平之風司徒辟不就博士徵秘書丞封西陽縣都鄉侯司徒右長史吳王以母弟之貴肇建東藩守相之任寔杖親賢乃授吳郡內史望境而清風興踰時而仁澤洽蘇峻之亂京都傾覆君乃東奔會稽遂與諸郡同舉義兵于時豺狼縱毒寂

文館詞林

四百五十七

黨焱熾正旗雖抗衆心猶懼擁徒保險疑於勅敵君厲色攘衽請為前列驅烏合提偏師徑據舊都推鋒西進抗封豕之衝振熊羆之氣東夏克濟君有力焉又遣司馬滕含先登石頭擁衛乘輿奉迎鸞蓋忠勲之至實簡帝心進封新吳縣開國公推而弗當除給事黃門侍郎退而弗居出撫會稽加振威將軍尋增号征虜君明允貞固達於從政化行二邦式範千里雖勃海之歌龔遂潁川之詠黃霸篋足方之徵領軍不就朝議以君噐充廊廟幹周時務可以弥綸政道叅贊皇極遂徵還臺俄而加左將軍揚州刺史中書監仍除使持節都督揚豫兗三州諸軍事雖名噐未

極而任盡臣道正身提衡銓栝百揆知無不為謀必
鮮過端委待且則有心宜孟約已訓儉則擬議季文
夫吐剛茹柔執政之所易梳矜已尚人乘威之所難
遣君平坦無私勞謙宜欲當時之所難於君而易之
矣於是慨然遠覽量已知退高揖惟幙投跡藩屏杖
節都督江荆益梁交廣寧七州諸軍事車騎將軍于
時南夏多故賦役殷興万里蕭條人亦勞心君乃休
之以無事綏之以惠和政有亨鮮之詠人懷寧一之
歌沛若洪流之引枯鱗滄若時雨之霑塵柯建元二
年康帝崩徂北庶喪氣朝野莫憑太后遣大使徵君
輔政以底人志將寄周霍之重當阿衡之任君固執

遠圖確然不迴冬十有一月九日薨于位臨終存國
思不出位遺制恭謹廢情尚義夫良王以經焚不渝
故其貞可貴竹柏以蒙霜保榮故見殊列灌正而不
亂者有矣未有亂而弥正者也考終以澄始即事以
徵心少長能一其度貴賤不二其道文康文雅固於
是乎弘著矣皇朝震悼有識掩涕誠以良臣既喪國
有弥悼之虞棟折榱傾人懷壓焉之懼致感之由豈
虛臻哉追贈司空溢曰忠成禮也故吏王某等哀哀
龍之虛襲慨皇維之不綱援甘棠以興慕思自同於
三良乃攻石樹碑以永刊洪烈其辭曰
洋、浚潁巖、神嵩流滌淳氣嶺扇祥風萬生公侯

情虛位充臨川椒潔仰華思崇凌險斯夷處滿能冲
方恢遠猷皇極是贊進陶玄氛退康時難繁霜夏被
脩梧摧幹仁之云徂朝野銜歎如或可贖人百其筭
儀形永戢光風長煥

江州都督庾翼碑銘一首

并序

東晉張望

君萍翼潁川雋陵人也其先帝鴻之苗周大夫庾皮
之裔高祖徵君抗清雲之皓志考左將軍執懿德以
熙緒遐胥啓于玄聖洪慶休乎百代是以徽風載芳
清塵繼軌逮君兄弟冠冕江左文康弘具瞻於前忠
成先人譽於後林蔚嶺秀之標川澄海納之度固已
式准羣英而煥乎當時矣君吸軋剛之純氣誕命時

文館詞林

四百五十七

之偉姿清粹聞於志學英風暢於立位孝友通乎神
明安懷著於耆胤宇量淹通識具融達明鑒燭微而
不矜昭晰之容高朗弘豁而不浪放逸之跡道味玄
詠則擯筌乎象繫之津墳研典析則慎微於五教之
域器掩物軌度貫衆藝儀領峩然若衡岱之標秀崿
神氣充暎若清霞之爛朝陽蔚々爲昂々爲寔期運
之挺根而縉紳之領袖也始辟太尉掾參軍從事中
郎翻翻芳澤鳳集台林雅杖希夷緝和鼎味洋々然
其猶波瀾之濶長津也時預謀克捷酬庸班爵封都
亭侯除鄱陽太守舉納遺事政存亨鮮尋遇元兄太
尉推轂陝右董衡有存而榮非所甘於是懷親忘祿

巾褐而歸龍盤家巷放心嘯詠西伯之受恭行也望
境而興懷焉尋建脩邾城以庇人拓土以君為建武
將軍西陽太守董率三軍披榛立政未及暮月而惠
納著矣于時沔漢不靖庸蜀內亂江陵居二寇之衝
握進禦之會伐罪固藩望鍾隼哲於是銓衡羣寮精
簡高美以君懿親之秀遂應邾子之選遷使持節領
灌南蛮校尉建武將軍南郡太守尋轉輔國將軍播
徂荆川陶仁舊郢踐境而敦喪葬下車而明黜陟權
略形勝之幾整鋒運武之要承規英伯屬當奮伐甫
將抗旌西指先滌江源而遇太尉傾祖朝野震懼聞
外之重匪賢莫倚乃授君使持節都督江荆益三州

諸軍事安西將軍荊州刺史徵還武昌以鎮寧內外
尋加江荆益梁雍司六州都督君常以地接辰極乾
惕盛滿雖諸昆守之以道而沖忒之誠弥至每在出
處之際未嘗不雅思進心而先盡讓挹之德也屯務
所纓於斯雲萃故專征興復之勤遂讓夷而當之矣
于時初喪元輔畿宇殍瘁羈虜承間狼逸郊境烽燧
屢舉人無盜心君雖提衡嗣畫一之烈紐網振惟新
之緒申教官能綏撫邦域罷遊糜抑淫祀閱戎政明
始儀刑於圉城擢廢駿於沉瀝考名實於庶績通躬
燕涼則二邦協連師之盟鷹揚六境則彊俠弭逋衆

之謀蒐練示整則五城縮安陸之戎竒師西探則四
壁退江陽之醜遐迹寧肅而凶黨震潰頻加江豫州
刺史君以為設位存乎樹賢：並所以周務竈靈兼
荷弗之當也先夫固本正末大宣皇風濃化美俗崇
善濟人申懲勸貳流泮枉直惠加荒札仁興帛祭礼
信弘敷而邦域鈞漢廣之詠愛人平賦則垌野存史
克之歌徂刑成矣下知方矣君以神州之難大恥所
存否終之會運存函夏昏阨非盛衰之虞動戎勞射
隼之銳故緩崕山之圖而先河洛之舉於是乃厉義
声激羣庶樹爪牙連方鎮訓卒補乘闔境爰發省煩
役以紓人羨逋萃以充務農不瘵職而軍實以殷班

文館詞林

四百五十七

六

号終朝而區內響應飛雲盖沔連於千里緯二伯雅
統之逸尋方對急病之勤肅若長風之赴素節沛若
江漢之迴迅源也遂進鎮襄陽以逼臨宛許既乃杖
皇威以北眇據電發之機領長轡風灑則万里應控
義声雲翔而遐外宅心明大順之師絕錐刀之捷峻
方城於千尋溝湯池於九仞浮粟屬於漢濱嘉苗蔽
於千畝杜津洑之新制商夷之禁綏舊人之業重侵
掠之刑立典客以礼賓節苞鮮以簡役淳醪素投故
熊羆爭奮冬景柔暉而華戎響悅雖諸葛渭南之師
亞夫細柳之整方之箴如也於是革音回面之渠縱
負企踵之繇其猶鍬翻之歸鄧林涸鱗之望海澤也

轉持節都督荆梁雍三州諸軍事刺史如故尋加都督荆梁雍司冀五州諸軍事征西將軍夫制寇存乎控引故俯僂恭兼督之命名爵繫乎定勲故冲懷讓加崇之榮赫：乎投袂之雋誠勤王之遠略運之以戎昭斷之以果毅雖童泉未濂而寇審梟期雲罩四罩而鴉鶚待裂矣建元二年康帝晏駕俄而季兄司空薨逝陽九垂消而釁剝累集願睇嵩華撫劔夙慨釋狼狐殆發之機謀尚父旋軼之會皇基之攸憑寔伯嚭是賴故且反旆江湄以鎮靖万里乃授都督江荆司冀雍梁益七州諸軍事征西將軍領灌南蠻校尉刺史如故虽則鸞衡暫隳而宏綱振乎四維握勝

俟時而英籌懸於朱幘也是以明教訓咨思融政道摠括竒雋啓樹風声引彰表儀導宣礼則名教光被仁夙四暢方將運神羅連絕蹤揮機槍以電掃豁百六之氛濛朗金精以熙玉燭贊璇機以一万邦豈徒椒烈名陵方休踐土而已哉然後齊昭川巖投蔽遐想功遂迹喪凌風獨往景命不永春秋冊有一永和元年七月薨于位天子震悼羣后含慟岱傾仁委何痛如之追贈車騎將軍益曰肅侯礼也惟君雅詠蓬宇則拙心冲寄解褐應務則偉績允熙運軌否剝之極愬轡经綸之時疆理糾紛吐握日異虽業連三辰而布衣之心夷地兼危溢而虛挹之体隆暨：乎彛

倫之領味盛位之弘夙君寔光振之矣仰咨前哲俯
憚時難每喟然永懷何嘗不竊維匄臆標至公為已
任焉夫昆彭之能究其勲姜邵之能遂其道者或運
階陽升或靈嘏脩祀惜哉号天不弔雋轍与屯塗並
消宏規与促齡俱逝朝殞基棟之輔野喪弘化之豪
泉涸林拔鱗羽曷歸凡在有識建我臣故追述七德
永歌九功目想軌儀心存洪略痛神景之長淪悲哀
童之虛設思鈞甘棠哀同黃鳥撫膺陶慕靡所寄心
乃相与鑿石紀德以恭揚徽烈其辭曰

玄象日曜童房澄景靈煥荆河氣渟嵩嶺我君侯
含章秀挺玉振流津金昭暉頰擷量浚川儀仁崇嶺

八
肇自鳳栖惠響播芳扇翻扶搖舒映朝陽懷之休邁
如彼霄翔遂撫衡漢抗我宏綱亶：遠猷赫：規宇
制陝恢略時惟隼輔四隣引領絕維翹武將廓軋羅
滌夷昏岨隆替靡期曰應有會志朗蹕氣天衢俟泰
望舒滅罔慶雲消萬辰極掩暉蒼生喪賴哀貫皇穹
悲延遐外仁基雖淪英風永蓋

徐州都督王坦之碑銘一首并序

東晉伏滔

君諱坦之字文度太原晉陽人也遠源氏族之始帝
王則天之盛國史載之詳矣聆鳴鳳於伊洛知隱淪
之羨觀玉帛於西山仰丘園之位爰自高曾逮乎烈
祖東海名位遠流繼軌二代考騁騎令公清貞簡正

名重一時高鎮夙流憲清百辟君承積善之純祐鍾
四葉之休慶膺皓粹以載徂資大和以陶量溥基隄
殖邃度溫潤枕藉道業不峻崇尚之軌含明內映不
以前識先物夫其孝友之性天誠特受道心玄默領
識淹深悟懷所屬必即象以存其致理思幽研必自
流以究其源加之以和中善誘觸類資通弘長之潤
彰於虛受之韻存當之心坦於廢已之誠故能周應
羣方而不渝其真泯然莫逆而貴賤有位望形者仰
恥而日親希夙者覩契而弥敬由是聲重弱冠夙流
推美鳴鵠在陰道契哲王辟撫軍大將軍掾則蔣文
皇帝也自相府叅軍至于大司馬長史歷官有六累

職顯要固辭弗居誠約納於明后屢讓光于朝野頃
之遭簡侯憂喪過乎毀殆不勝哀君子以曾閔之性
不是過也服終襄爵藍田侯拜侍中領左衛將軍太
和之末天地革心咸安之際括后云徂君以時望管
要綢繆主相之間熙贊盛明王猷允塞將翼幼冲陟
降無違山甫之勤至焉王臣之心盡矣轉中書令領
丹楊尹尋遷使持節三州都督北中郎將徐兗二州
刺史于時太宗登遐元輔仍徂浹辰之間天岳傾落
朝野失圖四海喪氣可以保固皇根當代謝之寄者
數賢而已夫有餘於安則君子罔其高枕乱者求理
賢指以之馳驚君自澡身應位出內從容中道雅杖

夙体功務之事未之厝心艱運來屬經綸在我援手
之興與事而至矣夫內康存乎外寧強幹所以隆本
北藩密迹任重陝東用輟心膂之要以應方邵之舉
君乃投夙駕即鎮淮徐其為政也推至公布誠心明
甄勸振義夙弊引羣才虛衿日異約法崇信練真蕩
偽善之所存臺榭盡其心化之所被幽荒引其領惠
既沾而物懷令未周而無犯故淮岱之人靡然向夙
隣境仰流邊虜思順忠武之在渭南鉅平之鎮襄沔
方之徂政異代同規矣惜乎盛業始基靈筭方申速
猷屈於促年仁功運而未融春秋卅有六薨于位觀
夫識契之土蓋境之心莫不撫襟內悼咨嗟累歎豈

唯存亡致感人理之慟哉寔懼兼梁木而愛百於甘
棠也惟君惣角標秀体備德成素履謙約在隆思復
純誠黜至不異心於顯昧正情遠槩不染慮於風波
少而覃思易老停神幽贊婉想深興悠然遠對柔詠
一室理暢懷抱疊々為信有以玩天下之顯而樂得
其志矣既乃感運龍躍仁為己任憲章大業緯範人
倫覽三遊之傷化故軌之以王度感放蕩之忘本故
檢之以格言臨危安命在終弥亮貽德音於二相垂
明鑒於千載允可謂擬心伊邵造次必於是者已故
吏姓某等陶漸日化伏膺訓範感一遇之莫尋悲道
融而功廢乃相与鑿石紀行以存厥實其辭曰

神理停照妙氣虛融哲人乘和映秀黃中根由貞邃
德以深沖量苞溥致字蘊仁風翼素業陶我遠猷
泯泯淹識會深應周枕藉儒道深緯六流標形者器
即心則柔昭德無迴運有夷屯皇上委誠百姓歸仁
慨焉忘已乃經乃綸舒翼一援大庇斯人望古遐憲
王業攸遵道之不融閭風其墜負景方昭中天絕轡
人亡孰嗣壓焉誰庇敢勒遺範式存髣髴

郢州都督蕭子昭碑銘一首

并序

梁孝元帝

蓋聞克明俊德元愷之臣具為思皇多士毛畢之佐
存焉由此論之昔者明王靡不咸樹賢戚俾立宗子
建五長以御都鄙作六瑞而典邦國其為日也久矣

文館詞林

四百五十七

皇梁革命欽若前經於是制詔御史推恩分邑吳平
忠侯蕭公茂親明德勲功事勞故以書太常之旌藏
司勲之貳惟宣之美於是裕哉公諱某字子昭蘭陵
蘭陵人自玄鳥作猗那之頌白馬致萋苴之歌克黜
禍難然後保姓守氏締構漢主然後涉魏而東膺聖
挺賢英豪繼踵祖左光祿府君休王季之役考東陽
太守躬弼紘之仁國有博史詳諸譜繫公惟嶽降神
才為時出寔川興氣翰彼于宜載色載笑異駸明之
言善一孝一友非陽子之負清道後功事兼涉兩陸
保家經國摠括二韋息藝以依仁澡身而浴後解巾
凋補齊晉安國常侍踵武龔舍連步紉宣雖未鵬飛

文館詞林

四十一

且資鴻漸出試永寧令岑鼎方洎牛刀始割日撫鳴
琴不以河陽為陋時橘雅賦更覺齊都為鄙永嘉人
胡仲宣等千人詣闕請公為郡將欲許焉齊氏以長
沙宣武王勲用公為步兵校尉公親叅離之際木運
不長故遠魏朝不論人物時遵漢典或校兵書既而
夏癸昏縱商辛廢礼社稷鎮衛用明允而嬰戮時宗
人訾由正直而亡身自宣武王違此淫濫公與時用
舍知命樂天達平仲徐行之音慕宣尼弦歌之德仰
逢六師西指五緯東橫火燭前殿兵臨作室公乃製
衣具沐將濟屯膏遠自郊門奉望鉞鉞賓客樂從者
數十百人中興元年霸府拔補寧朔將軍行南兖州

事遷輔國將軍監南兖州昔馬越之領游擊馬恬之
典吳郡即此麾号皆用宗戚傳呼甚竈識者榮之加
以密迹北門寄深闌析殷人未狎四郊多壘藪澤遐
曠逋竄所逃陳午擁衆於郟山庾希竊發於海縣既
外鄰戎境內患萑苻自獨夫弃常憑暴歲甚師之所
處加以荐飢公閑於殿亂善於因即政不悞弱濟維
寬猛撫循莞幼鋤剪豪強州無滯積公無禁利益官
行法善政斯在惟皇建國品物咸亨舉功行賞各有
分地封人設躋典命授圭封吳平縣開國侯食邑一
千戶進授使持節督南北兖青冀四州諸軍事冠軍
將軍南兖州刺史既同宗義之号且等去病之功爰

初徇地迄此作牧人無菜茹之勞官無芻秣之費先是王師北討戎帥捐戈天子命我受脤建節有詔龔行犀櫓不蔽武車綏旌九地靡韜其術棘門誓衆八陣咸盡其謀故以威讐隕霜化行絕漠者矣遭太夫人憂僉曰金草奪禮有為為之且遵故實別詔敷勉公稱情立文以奉權制每一感慟飛走相趨時宮衛俟賢朝難其授諒湏才冠遙集識兼謀遠乃徵公為太子左衛率遷輔國將軍衛尉卿昔漢調銚期心資效數之力魏選董昭纔求巡警之備公之此舉允膺掌荅何心不穀之清正玄成之文雅同日而語哉轉左驍騎將軍兼領軍將軍自延康改革任均盡灌直

以御史之印不易趙堯先零之舉無踰充國故超茲河沛越此英盧橈是常均攝官而進今之樊漢昔之關輔盖惟軫牽之野仍為輿質之邦楚襄好會之所劉牧郊天之地雖非甘泉密時實有伏竜鳳鷄王業所起家出將相漢臯之陽八命為重推轂之寄九牧所先乃授公使持節督雍梁南北秦四州郢州之竟陵司州之隋郡諸軍事信武將軍監蠻校尉雍州刺史襄帷就道去襜為政廣眎遠視薦清貶濁惟來百蠻悉為我用秦土不敢彎弓胡人不敢南牧駟介徒兵日充王府師出以律遠無不懷徵右衛將軍石頭戍軍事又授使持節督南北兗北徐青冀五州諸軍

事信武將軍南兖州刺史昔郝鑿再撫朱序重臨懸
牀尚存遺積猶在俗稟王濬之風人懷紉英之政厥
後興滌還聞在昔徵為領軍將軍加侍中昔卞壺之
加常侍王劭之領納言虽並作中候彼有慙色遷安
右將軍監揚州并置佐吏即以茅為府于斯時也脩
學創田勉耕分祿不然官燭罔蓄私絹朝野具瞻權
寄日重公常思損梃以避近親上優遊未許靳守弥
固乃出為使持節散騎常侍都督郢司霍三州諸軍
事安西將軍郢州刺史給鼓吹一部初存安竟陵犬
牙虜界縛馬沮軍亟有竊發公移書告示虜即焚戍
保境風教如神万里清溢方當永贄隆平粵登三事

天厲不忒春秋卅七普通四年薨于位詔贈侍中
撫軍將軍儀同三司侯如故喪反舊堂路由皇邑親
降銮蹕禮優詔葬某年葬于某郡縣之某山蓋曰忠
侯禮也公奉親不匱匹曾柴之役昆季天倫深姜繆
之爰資忠履信席義枕仁從諫若轉圜用賢如猶已
佩觿之日則伏誦千周垂髫在年則懷書百遍風鑿
散朗吐屬淹華宮牆有仞莫窺其宇喜愠無形推見
其色遵養時晦柘攜以禮亟撫邊人屢董戎政玉門
之闕仰其威洽金附之國梃其風猷每銜詔中都叅
聞三宥朝有常刑每用中典人惟國本上能紘職廉
邦法而有平反坐嘉石而無骨怨知人善使自家刑

國筆硯皆有方略履履並得其才詭對造膝汗漢嘉
告函訪密奏手書毀草是以明主敬為公既博聞強
記雅好詞屬坐朝餘暇臨眎末景壯風塵之密延好
事之賓成誦在心發言可詠名馳合浦以南譽滿交
河之北非夫純粹鍾羨利物長仁孰能功參五臣行
兼九德若此之盛者哉詩不云乎樂只君子邦家之
基其忠侯之謂矣故吏某等以為封墓作謚衛斯晉
鍾皆古典也仰緣皇朝褒終之美謹遵披文相質之
義可以奮乎百代永旌不朽乃為銘曰
顯允君子惟梁之睦綴食帝宗兼家皇封乃文乃武
乃明乃淵冠代羽儀如鴻在陸孝盡色難豈伊為養

亦有兄弟咸宗退讓州閭曰仁友朋稱諒聿求禮本
言歸德尚用賦王門鳴弦下邑憬彼桐鄉令圖已立
否之匪人時屯勢急斜徑不行亂邦豈入受師億萬
商旅如林六奇王略十亂一心創制爰始天命斯謀
奄有千室邦家是臨齊俗黍離餘風未更濟濕喉襟
忠侯為政朱軒駟馬旗旄增暎恤獄問寃人骨繫詠
徐戎叛援自昔不虔授我齊斧清我朔邊蹕林蹶角
遂掃穹旣人無怨讟師以勝旋乃司三秩遂掌八屯
元戎式棖擢授便煩外數軍實內肅帝閣宗臣在位
王室是尊秦中顯敞聞諸載藉虽假楚都事華前跡
班宣條詔光今邁昔必則令典為教所擇淮海惟揚

是稱司隸寄矣中撫其儀逮逮威而不猛寬而有制
三獨歸高十邦感惠蘇秦從說寔曰夏州巖城郢
作捷中游乃睠西顧惟賢是求去茲商洛樹彼徽猷
降年何早曾不慙留皇情軫悼萌庶若抽輟春罷市
痛我忠侯人道不遐令名長久矧伊樹德歸全砧手
於穆嗣侯遺薪克負弈棊載德隆茲不朽神瑩既已
日月有時桓、竈贈班礼台司我
誰旌不朽
新

兗州都督胡延碑銘一首

并序

北齊魏收

若夫叅天兩地之尊承運據圜之貴降日貫月之禎
流星照電之感莫不叶道冥神應靈貽祉越由內主

文館詞林

四百五十七

之訓克隆外戚之重是故娥葦配德聿興往載任姒
作合實
前王魏肅宗明皇帝出自於我仍棊丕顯
餘福潜被大齊之家有万邦皇夙之披攘九土增茂
範於重光振徽猷於昌厯武成皇帝造舟降礼忻合
當成願塗山而告徵遊洛上而投契家業崇於削山
門德深於委水王諱延字山安定臨涇人司空文貞
公之曾孫相國文宣公之孫中書監公之子今上之
外祖父也自卦呈觀否之体地著媯姜之業蘊嘉氣
之精累神物之澄非直山靈水伯降德流祉雲感木
变効貺開符達人賦命上善咸極君子克生中和必
惣虽性不可聞而心随物化符彩秀廉温如和玉精

十六

華映徹爛若京雲一見眸子暫仰骨法嗟王郎之絕
倫許劉君之遠到遇師則學衆賢歸道來扣必應群
俊鑽堅加以律度清上夙範玄曠在高而靡礙居深
而不阻對揚古今綱羅術藝極能事而矯然窮多方
以獨立名賢奇士先後同歸俗仰萱蘇時傾金壁魏
司空任城王声高望遠雅俗朝宗王屈迹觀人振衣
投刺倒履降階果異常等辟書仍降為叅軍事勅除
尚書右主客郎中歷轉二千石右士二局舍握香蘭
趣伏墀屏覆衾題柱異目咸推仍除司空司馬加威
遠將軍行河內郡入調金鉉出執竹符水土載穆風
雨必致既而茵駟空沒揅楠云感慕動群物祭出非

時或絕漿半旬或去鹽歷載恩錫摩絮之衣詔喻強
食之禮起授尚書吏部郎中固辭數四終於奪情權
衡在手楊清激濁人地畢進草萊咸舉入轉給事黃
門侍郎遷散騎常侍領秦州大中正敷奏歸高談議
推重刀尺所加共仰清裁拜七兵尚書從中書令童
泉已斷鳳沼增清轉侍中加撫軍將軍光祿大夫金
章紫綬復拜中書令温毳臨首鳴玉垂腰含章待問
格言獨遠加驃騎大將軍左光祿大夫仍除吏部尚
書持節北道行臺二千石已下便宜黜陟風馳万里
氣振百城廉平忻其布帛貪殘解其印綬復領秦涇
二州大中正出除使持節都督兗州諸軍事驃騎大

將軍兗州刺史更滿還朝復行梁州事奇政異迹遺
愛作歌殫所未聞方傳故老以某年薨於位春秋若
干詔贈使持節都督涇州諸軍事大將軍涇州刺史
太府卿太常考行謚曰惠公以某年安厝於公所惟
王神府洞開靈鑿懸燭會百慮於常窳愍萬籟於希
声形質有崖忘懷得喪機神不測與時用捨本立道
生自家聞國學優而仕振野光朝比高雲漢為羽儀
於日下並峻山岳佐瞻望於海內無惑奪魯龜之智
不言析楚客之辯埋家抑轟々之氣立已遺赫々之
名傾賢解駮趣士迎罔居後而更先持退而逾顯勢
如烈火可等華井之寒富同金穴能比太舟之散故

使鴻休景福終然允臧禮邈存紀榮超陰竇永惟盛
位之隆申以不常之典更贈假黃鉞使持節都督定
冀并瀛青趙滄齊涇濟梁兗十二州諸軍事驃騎大
將軍定州刺史左丞相太宰司徒公錄尚書事開府
儀同三司永昌郡開國公安定郡王爵尊域內望崇
天下未極棟宇之右方與陵谷同化所以衣冠長感
追仰芳塵故吏姓名等慕深拜泣式鶴琬琬敢作銘
曰

自媯作陳徙齊於秦河靈岳祐風声日新無競惟祿
在室稱人羽伯歸鳳毛長宗麟代有盛位門應介祉
帝娶西陵王迎渭渙我聞天眷休命致止道邈外親

風高戚里官由位舉榮極人竟珪辟為瑞車服以庸
 門交節鉞室列歌鍾匪先伊後更曰臣宗逮我嗣業
 實弘休緒金声玉閏霞騫飈舉搏夙抑揚承日容典
 富輕齊魏貴薄梁楚克弼朝猷亦展王度万機增損
 六條宣布素几云錫畫褰載露秦川逾仰荆市先慕
 光景不息日往時來殊礼加數哀人告哀光前絕後
 邈矣悠哉家賢崇構言歸八才朱表高臨青松上刺
 峴山不殞樓氣方積式染

誰今誰昔


文館詞林

四百五十七


文館詞林

十九

文館詞



林卷第四首五十七



文館詞林

卷五十六

